



河西集
三

~ 16
2322
3

共
八



2322
8-3

河西先生全集卷之五目錄

五言絕句

上元夕

吟示諸君 二首

送大任

題冲庵詩後

懷仲吉

上申内翰 潛

中秋梨花盛開

贈景任



尹孟賢持酒來訪

宿瀟灑園文房 三首

天安作

次敬而韻

五月五日題

瀟灑園四十八詠

贈朴平叔

士遂求和二首

天安蓮亭

示奇伯顧 孝諫

題惠能軸

釋奠日作

詠物

奉寄李一齋 恒○五首

贈盧達夫 適○二首

贈吳大朴 三首

送仲明讀書下清寺

俛仰亭三十詠

贈別 二首

贈尹禮元赴京

古木

懷趙甥景范希文

答許仲承繼楚辭問

仲承求書詩經題目因有作四首

松灘翫月

松淵泛槎

贈朴內翰素立○二首

有贈

贈伯顧

次海東天下先生韻

立春日作

旅夜

秋日有題

侍病

梁季明子淳因仲明求寫詩書正文題目四首

金景愚邀月亭二首

與虎兒二首

醉與虎兒

贈徐大老台壽

丐歌嘆

吟示景范催和

贈達夫二首

贈卞汝潤成温

戒子

偶吟

寄慶老

贈金君

題仁仲寓舍

病餘書懷二首

夢後

靈川墨竹二首

簡景范兼寄朴和叔淳○三首

懷吉元

懷寡悔

尹生仲說箕請戒已詩二首

安君晦以藥材見寄

戒景范

喜梁甥來二首

華陽亭

贈鄭季涵澈

與柳氏女

別意二首

示學者四首

奉和一齋二首

懷秋巒子鄭之雲

奉和柳眉巖鍾山謫所十首

又寄二首

示柳甥

送柳甥歸覲鍾山

和一齋韻二首

贈金士重千鑑

贈別

寄尹景仁剛元

贈南張甫彥紀尹仲說諸君八首

送仲明還覲

贈李端禮至男〇二首

又贈張甫仲說

偶題

贈張甫十首

偶吟

讀先進篇 二首

謝太守送酒 三首

詠物

壁間有鼠格而殺之

聞彥鎮罹疾寄呈

贈奇伯顧 七首

次蘇齋韻

見退溪詩因和韻 二首

題曹逸士植上疏後

梁生別有感 二首

別友人之京 二首

贈李先已 以下九十四首別

贈子遂

送印國經 紀

上尹負外 衢橋亭

送景老還鄉

次德茂韻

詠花

和士遂

直玉堂作

用周校理景游世鵬韻贈申彥沃

在湖堂有儒將所製來示因與留飲三首

大殿延祥詩

路中即事

題琴隱堂

贈白大裕光弼○三首

題惠能軸三首

道中即事

絕句

題俞監司絳之絳空狀紙

贈人二首

贈達夫二首

贈惠遠

次韻寄李使君秀菴○二首

流頭後日作

送仲明還觀

慰人失子

寄景仁及李季真後白

中秋日有作

示李仲悟彥標

贈張生 二首

贈接中

贈奇伯顧

寄呈使君 二首

松臺御風

出山

次張甫韻 三首

寄贈元琳

贈別

朴上舍子建求別詩

窗外梅峯偏受冰雪有作

木假山

邀月亭

與虎兒

贈內 三首

醉與虎兒 二首

僕上舍以酒見訪 二首

友人家作

送虎兒赴京

送慶老 四首

靈川墨竹

同庚會老少雜詠 二首

寄景范

贈申國藩

奉寄柳眉巖鍾山謫所 四首

和一齋韻

宿瀟灑園文房

贈吳景純

挽林座首 公俊

挽陳彥卿嚴侍

挽汝溫冰天 二首

挽朴叔 守恭○四首

挽薛座首 三首

挽金渭原 孝良○二首

次蘇齋贈人韻 以下七首增

次蘇齋韻 二首

性真軸中韻

次永思亭韻

送仲明還覲

贈季明

河西先生全集卷之五

五言絕句

上元夕 五歲作

高低隨地勢早晚自天時人言何足恤明月本無私

吟示諸君

珍重花潭語淵源千載儒謔來溪有警免落一邊枯

其二

周孔傳千古經綸屬宋儒男兒事業在草木肯同枯

送大任

遠客苦多病別離情更愁添將梧葉雨一夕生白頭

題冲庵詩後

來從何處來去向何處去去來無定蹤悠悠百年許

懷仲吉

榻上晨光暗山中一雨渾故人千里遠孤夢落溪村

上申內翰潛號靈川

竚立雲山晚狂吟綠水秋分携各萬里回首海天悠

中秋梨花盛開

八月梨花發盈盈一樹春添將踈雨過恰爾對芳辰

贈景任

共學期鴻業相知許寸心栽培要有意末茂在根深

尹孟賢持酒來訪

歲暮山容老青尊病骨蘇相逢無所語酌酌到傾壺

宿瀟灑園文房

徑尺莓苔地寒叢雪後新蕭疎燈影下襟韻更相親

枕邊有盆竹燭影婆娑
便成一林溪可喜也

其二

窗外雨蕭蕭小風驚醉面盆中竹數竿翠葉微微顫

其三

怡然一室中生事何須問壁裡有陶詩無人知遠韻

天安作

花暖孤城暮風輕百草春逢場留一醉相對兩三人

次敬而韻

亂樹微風度斜簷細雨來
淡盃吾欲醉牽興少徘徊

五月五日題

角黍哀忠直流傳舊俗存
冤魂招不得何日入脩門

瀟灑園四十八詠

園在昌平縣南十里

瀟灑園中景渾成瀟灑亭
擡眸翰颯爽側耳聽瓏玲

右小亭憑欄

窻明籤軸淨水石映圖書
精思隨偃仰妙契入鳶魚

右枕溪文房

溪流漱石來一石通全壑
匹練展中間傾崖天所削

右危巖展流

背負青山重頭回碧玉流
長年安不扞臺閣勝瀛洲

右負山鼇巖

一逕連三益攀閒不見危
塵蹤元自絕苔色踐還滋

右石逕攀危

方塘未一畝聊足貯清漪
魚戲主人影無心垂釣絲

右小塘魚泳

委曲通泉脉高低竹下池
飛流分水碓鱗甲細參差

右剝木通流

永日潺湲力春來自見功天孫機上錦舒卷擣聲中

右春雲水碓

架壑穿脩竹臨危似欲浮林塘元自勝得此更清幽

右透竹危橋

已向空邊滅還從靜處呼無情風與竹日夕奏笙竽

右千竿風響

南州炎熱苦獨此占涼秋風動臺邊竹池分石上流

右池臺納涼

林斷臺仍豁偏宜月上時最憐雲散盡寒夜映冰姿

右梅臺邀月

露卧青天月端將石作筵長林散清影涼夜未能眠

右廣石卧月

步步看波去行吟思轉幽真源人未泝空見透墻流

右垣竅透流

咫尺潺湲地分明五曲流當年川上意今日杏邊求

右杏陰曲流

為山不費人造物還為假隨勢起叢林依然是山野

右假山草樹

片石來崇岡結根松數尺萬年花滿身勢縮參天碧

右松石天成

石老雲烟濕蒼蒼蘚作花一般丘壑性絕意向繁華

右遍石蒼蘚

懸崖虛坐久淨掃有溪風不怕穿當膝偏宜觀物翁

右榻巖靜坐

瑤琴不易彈舉世無鍾子一曲響泓澄相知心與耳

右玉湫橫琴

列坐石渦邊盤蔬隨意足洄波自去來多學間相屬

右沃流傳盃

石岸稍寬平竹林居一半賓來一局碁亂雲空中散

右床巖對棋

澹蕩出塵想逍遙階上行吟成閒箇意吟了亦忘情

右脩階散步

自掃槐邊石無人獨坐時睡來驚起立恐被蟻王知

右倚睡槐石

潭清溪見底浴罷碧粼粼不信人間世炎程脚沒塵

右槽潭放浴

灑灑循除水橋邊樹二松藍田猶有事爭及此從容

右斷橋雙松

北嶺層層碧東籬點點黃緣崖雜亂植歲晚倚風霜

右散崖松菊

直欲論竒絕須看挿石根兼將清淺水踈影入黃昏

右石趺孤梅

雪榦攢攢直雲梢嫋嫋輕扶藜落晚籜解帶繞新莖

右夾路脩篁

霜根耻染塵石上時時露幾歲長兒孫貞心老更苦

右迸石竹根

翩翩崖際鳥時下水中遊飲啄隨心性相忘抵白鷗

右絕崖巢禽

石上數叢竹湘妃餘淚斑山禽不識恨薄暮自知還

右叢筠暮鳥

天付幽人計清冷一澗泉下流渾不管分與鴨閒眠

右壑渚眠鴨

聞說溪傍草能含九節香飛湍日噴薄一色貫炎涼

右激湍菖蒲

定自花中聖清和備四時茅簷斜更好梅竹是相知

右斜簷四季

春入桃花塲繁紅曉霧低依迷巖洞裡如涉武陵溪

右桃塲春曉

巖崖承老榦雨露長清陰舜日明千古南風吹至今

右桐臺夏陰

扶疎綠葉陰昨夜溪邊雨亂瀑瀉枝間還疑白鳳舞

右梧陰瀉瀑

有客來敲竹數聲驚晝眠扶冠謝不及繫馬立汀邊

右柳汀迎客

淨植非凡卉閒姿可遠觀香風橫度壑入室勝芝蘭

右隔澗芙蓉

張翰江東後風流識者誰不須和王膾要看長水絲

右散池萼芳

世上閒花卉都無十日香何如臨澗樹百夕對紅芳

右瀨澗紫薇

錯落投銀箭低昂舞翠綃不比思鄉聽還憐破寂寥

右滴雨芭蕉

秋來巖壑冷楓葉早驚霜寂歷搖霞彩婆娑照鏡光

右映壑丹楓

不覺山雲暗開窗雪滿園階平鋪遠白富貴到閒門

右平園鋪雪

曾聞花六出人道滿林香絳實交青葉清妍在雪霜

右帶雪紅梔

壇前溪尚凍壇上雪全消枕臂迎陽景鷄聲到午橋

右陽壇冬午

河西先生集
長垣橫百尺一一寫新詩有似列屏障勿爲風雨欺
右長垣題詠

贈朴平叔

華山秋日晚相逢湖海面蕭疎共旅興坐見天光變
士遂求和

宮漏短長更鄉愁千萬結風前古柏聲夢外長安月
其二

歲暮羈懷苦愁多眉自結孤燈萬里心一片三更月
天安蓮亭

亭起黃明府圖從尹木川吾來值月望一宿興悠朕

示奇伯顧

孝諫號錦江

秋惜經霜萎春憐迸地青須看生意思一息不曾停

題惠能軸

禪學全殊我虛靈觀衆妙後會知幾時溪頭祭三笑
釋奠日作

古人尊實德今世重浮名拜受膳兼酒春秋荷聖靈
詠物

菊殿三秋後梅先十月中清和憐四季一色鎮春風
奉寄李一齋

恒

泰山仁義叟長城萬里翁乾坤涵醉裡日月度壺中

其二

醉醺仍飽德珍重一齋翁不是天津叟歌吟雲月中

其三

風月無邊境乾坤醉裡翁野人時載酒春色滿壺中

其四

杏壇長日月濂洛好風烟自是無人到何曾間後先

其五

敬立羣邪去知真萬理該存心書一帙養氣酒三盃

贈盧達夫適

聖訓傳千古慙吾學未能吞貫今寂寞何地有顏曾

其二

病我此無知夫君欲質疑殷勤故來訪一笑更何為

贈吳大朴

孝弟良心切知之不去他沉潛反覆久禮樂致中和

其二

父母惟憂疾存人豈異情君歸多感念臨履戒平生

其三

英才不易得成就須加力十分到盡頭從容順帝則

送仲明讀書下清寺

歲暮分携處寒飈入下清溪山煩寄語且待百花明

倦仰亭二十詠亭在潭陽府南十里亭主宋新平退老棲息于此
一室雙尖北晨昏見秀色亭西望愈奇地勢還憐側

右湧珍奇峰

秋月山名好蒼蒼削四圍溪雲莫謾起夜夜輟清輝

右秋月翠壁

噓通萬壑氣喘引千峰煦鱗甲鬱參差百昌承雨露

右龍龜晚雲

疑情儼峨冠翠蓋聊延竚白鶴來何年龍龜相爾汝

右夢仙蒼松

誰哉三聖徒仙佛相矜耀白日尚在天巖巖回返照

右佛臺落照

微茫大野頭向暮魚登雨不用捲珠簾餘涼來棟宇

右魚登暮雨

縹緲城橫錦聯綿乍有無乾坤萬里眼因憶草堂儒

右錦城杳靄

瑞石含岷彩葱蘢拱北辰松梢遙隱映勝致屬高人

右瑞石晴嵐

何年重設險巖谷但蒼然往事傳遺老清溪送九泉

右金城古迹

捧日圓巖峙羣山一望低仙靈應貯釀塵裡笑豔鷄

右甕巖孤標

白屋羅前泐家家翠竹籬歡聲接遠逕畊鑿宛當時

右大秋樵歌

秋村隔一岸弄笛木山人跌宕桃花浪酸寒白露辰

右木山漁笛

古寺亭相對西風落一聲清林和爽籟那有世氛嬰

右石佛踈鐘

江湖秋色動寒鴈聖先知漆水歸程遠飛鳴得意時

右漆水歸鴈

半野龍頭麓逶迤向北間曉來時出沒造物不曾聞

右穴浦曉霧

廢久神通社連雲綠竹猗千林誰敢抗嘉實待來儀

右神通脩竹

睡覺窻纔曙城頭畫角聞使君衙趁早田里笑云云

右山城早角

長紳橫近遠拖自玉龍泉夏掛秋天鏡精神抵萬全

右二川秋月

亭壓中巒起三巒各一邊春風回百媚一一欲誰憐

右七曲春花

杖屨無常到蒼髯夾一區懸知陶逕短興盡撫孤株

右松林細逕

盛夏猶蕭瑟冷狀碧玉秋雄吞萬竅怒不着御寇遊

右竹塲清風

野濶開真界添將白日鮮人居琪苑裏鳥出玉林前

右平郊霽雪

人村傍松竹曖曖生遠目萬烟成一烟幾度黃梁熟

右遠樹炊烟

二水村墟迥長汀映白沙沙窟水盡處擬泛海仙槎

右極浦平沙

西疇南北迤綺錯盡良田耕耘俱可玩熟處最堪憐

右曠野黃稻

歲晚橋仍理東西利往來農漁知最切日夕去還迴

右前溪小橋

清陰松竹間好鳥迭鳴喚逸響自千般聞來驚節換

右後林幽鳥

風恬如可數喜躍夕陽波潑潑天機動相忘樂政多

右清波跳魚

玲瓏碧澗曲秋入蓼花叢映帶明沙際看他別樣紅

右澗曲紅蓼

草碧兼沙軟風流一夢回忘機聊就狎本不逐魚來

右沙頭眠鷺

贈別

不免詞章習多年作楚狂高秋日皎皎送子幾回腸

其二

力疾事迎送忘情盃酒間男兒須學業志尹且希顏

贈尹禮元赴京

漢北風霜苦君行奈此時殷勤報相識一一病中思

古木

半樹惟存骨風霆不復憂三春何事業獨立任榮枯

懷趙甥景范 希文號月溪

病裏相思苦滄江十月雷黃花方側地不忍對空罍

答許仲承 繼流道峯 楚辭問

澤畔醒吟客何須問醉翁青燈手自剪端坐二更中

仲承求書詩經題目因有作

關雎風化本厥效始桃夭漢廣歌樛木振振逮鵲巢

其二

皋鶴誠難掩淵魚理萬殊樹檀園有擇攻玉石仍鹿

其三

欲誦温温克頻忘秩秩筵生平每自訟羨子獨能賢

其四

文王陟降日清廟肅雝時儀刑順帝則夙夜畏天威
松灘翫月

黃昏緩步行松韻和灘聲素月更流彩悠然心境清
松淵泛槎

清流忽疑綠柳影方依依中有泛槎客日西猶未歸

贈朴內翰素立

二十年前面今秋九日孟霜楓紅勝錦此處且遲回
其二

風寒不出窻何處來相識醕酌酬佳辰明朝使我憶
有贈

何處青眸客能尋白髮翁重陽菊未吐把酒對西風

贈伯顧

我屋青山下君居碧海頭高秋照落日蕭瑟不勝愁

次海東天下先生韻

昨日東城醉山前走馬歸詩成驚霹靂跌宕倒冠衣

立春日作

北極敷文德南陔偃武功妖氛銷闔境喜氣滿蒼穹

旅夜

殘燈孤館夜歸客未歸時杜宇啼何處山花月滿枝

秋日有題

河西先生全集
碧樹秋將染黃花晚夏香分明對佳節惆悵戀高堂
侍病

子疾親常念親痾子奈何沉綿過半月我罪亦云多

梁季明

子淳號支巖

因仲明求寫詩書正文題目

聖賢成訓在誦讀貴沉潛字字無虛過通來萬理兼

其二

大學規模定須將語孟參周詩多感激吟咏性情涵

其三

三聖相傳授惟言執厥中危微精一上進進益加功

其四

飽煖憂禽獸司徒五教敷工夫在學問氣質化柔愚

金景愚邀月亭

青莎明勝錦水色似長淮野曠天低處秋風入病懷

其二

一室臨平野乾坤醉眼開主人真愛客那負菊花盃

與虎兒

愛爾千金重丁寧莫妄魚游心大小學聖域是根基

其二

大學工夫在男兒莫外求詞章非久遠灼灼忌先秋

醉與虎兒

種學為資地鋤耨將及時天秋稼不熟霜落恨長飢

贈徐大老台壽

淵明何許人地步羲皇上掇菊涉東籬白衣空悵望
丐歌嘆

積雪盈三尺清晨有丐歌聞來偏惻耳既去恨如何

吟示景范催和

和意寧須韻觀詩在性情詩書賡答處可見古人情

贈達夫

雖添十載病却作一生遊溪山圖書裏况值月明秋

其二

方吾卧雪日樂子遠方來詠罷清詩和仍傾未盡金

贈卞汝潤成溫號壺巖

酒以淡壺醉詩非淺興吟燈花簷外雨與子一時心

戒子

忠孝傳家業兒孫各戰兢丁寧言行上愛敬是良能

偶吟

詩成無好語酒盡且酣眠不忍梅花落吾衰亦黯狀

寄慶老

白雲生洞口幽竹傍溪頭千里相思處因人寄別愁

贈金君

河西先生集
憐子平生事傷吾病裏懷丁寧醒與實勉勉得心齋

題仁仲寓舍

路上折柳枝至仲所寓
仲出未返因書此而去

醉後一枝柳別來無限情明朝萬里路天月幾番明
病餘書懷

天涯聞病惡謂我應已死傷情悲兩親掩淚憐妻子

其二

佳節依辰至愁人卧病吟薰風吹不斷散髮一披襟

夢後

風土千山隔關河一夢長相逢襟韻在覺後是他鄉

靈川墨竹

苦節不成林疎枝誰更折天心自可知生意無時絕

其二

葉裡自生風有聲如在耳蒼崖萬古姿永念靈川子

簡景范兼寄朴和叔淳號思庵

先子曾傾蓋吾君亦絕倫相忘盃酒裡可笑醉吟人

其二

正字今何許將詩付故人江南梅欲發對酒獨傷神

其三

和叔分携久高明想日新裁詩聊有寄吟鬢怕寒春

懷吉元

有友溫如玉尋常未敢忘
東湖乘興處夢想轉微茫
懷寡悔

寡悔何年別南濱
楚樹春龍鍾幾歲客
江草一番新
尹生仲說真請戒己詩

不得有諸己將何以喻君
伐柯則不遠率性尊所聞
其二

言行乃樞機立誠其在斯
伊川箴四勿張子戒謀思
安君晦以藥材見寄

平生四美子能記病河西
委曲君臣藥封來手自題
戒景范

門中奴孽憑其老父黜其嫡子孫乘勢禍及於先生將奪先生所居之家景范

怒甚將告于官而治之先生戒以是詩又曰自
有天定之時慎勿輕動也不久而奴孽之父死
門禍自定先生之待惡以寬如此

聖人責於人常緩而不迫
只欲事歸正無見人過惡
喜梁甥來

昔病君來見于今尚未忘
茲辰九月望相對兩茫茫
其二

壺觴吾事業林壑子家庭
風雨蕭蕭處臨分醉欲醒
華陽亭

平郊三十里水草望中多
日暖鋪雲錦駟圍至和
贈鄭季涵澈號松江

澈也童孩舊人間事萬端留連倚醉興病廢尚蹒跚
與柳氏女

我友在朔方汝夫隨萬里秋風意無窮野菊盃觴裡
別意

皓月隔雲外孤燈坐明滅山醪不作醉黯爾愁將別
其二

秋塞鴻聲遠關河雪意深丁寧天上月高照兩鄉心
示學者

道在尋常裡人惟病不求親親與敬長堯舜豈他由
其二

性豈間聖愚稟氣有清濁須從善端明推之至大覺

其三

終誰知所窮始豈無所自一理古今同吾生立天地

其四

希聲撫大音淡味調玄酒今古閒中吟乾坤醉裡手

奉和二齋

悔難追既往功幸補方來海國如開眼千流却盡盃

附原韻

羣邪誠意去萬理博文來道在收心地何須浪酒
盃

其二

春寒病未歇，悵望一齋翁。夢落千山雪，塊驚萬竅風。
懷秋巒子鄭之雲

海內秋巒翁，獨觀造化妙。秀吾兄弟中，俯仰思惟肖。
奉和柳眉巖鍾山謫所

有美眉巖子，胡狀使我思。何當共一榻，開卷析毫釐。
其二

世學苦多端，所趨空不一。如何求放心，勿使須臾失。
其三

不愧為無忝，存心當夙夜。事天順以寧，此性非他假。

其四

庭滿濂溪草，春深康節梅。憐他朴未散，起處一聲雷。
其五

已分頭全雪，那堪眼欲花。朝聞恐不及，臨履度生涯。
其六

德性養迷方，聰明難自發。終身白鹿規，誰為除株檠。
其七

心懸萬里外，面隔十年前。桃李春風際，江湖夜雨邊。
其八

聞寡徒慙陋，知真孰解疑。羨君勤日進，衰病獨支離。

其九

一毫莫徇非十分須求是此義早聞之行難常自耻

其十

棹歌歌九曲人說武夷君反覆齋居詠天應未喪文

又寄

太極無窮妙流行宇宙間依依誰與問日夕待君還

其二

乾父坤吾母同胞分益淡貧窮吾不怨蕩蕩百年心

附原韻

理在堪輿內妙藏方寸間陰陽寓動靜鷄犬放須

還

聞道無先後觀瀾有淺深若窮源出處應契聖賢心

示柳甥

萬里傳消息長篇短簡聯蒼顏何日對吟罷一潛狀

送柳甥歸觀鐘山

萬里城頭病二千塞外行青尊春瀾漫白髮月分明

和一齋韻

乾坤位上下余得中為人泛泛經時歲何年復性真

其二

直上工夫去旁通事物來方操沂上瑟且覆掌中杯

贈金士重千鎰

紙牕風雪時遠憶程門志勿替自強心昭狀立天地

贈別

雲海微茫外秋懷此別中 邦家方遇密灑淚溯天

風

寄尹景仁剛元

湖雲不肯收嶺月何時照白髮未堪搔無緣奉一笑

贈南張甫彥紀尹仲說諸君以間中今古醉裡乾坤為韻

賴得多年病從教百事閒醉來臨鏡裡春色上蒼顏

其二

冷白山缸裡抽腥野水中諸君意不淺痛飲景將窮

其三

世事自多端天心無古今顏狀一斗酒擬和薰風琴

其四

暝色入牕櫺相將待月吐悠悠清夜歡俯仰心千古

其五

欲寫已忘詩知吾淡入醉呼兒秉燭來盡各言其志

其六

誰問此龍鍾山村煙樹裡殷勤一笑間肝膽輸諸子

其七

忠信斯為主終身對越天沉潛明道訓時惕服乾乾

其八

不息天行健無疆地勢坤存心在克復敬直恕仍敦

送仲明還觀

路憶前溪曲行穿鉅竹間林泉稀俗跡病隔幾重山

贈李端禮至男

醉語喜翻空酸寒亦未當淵源經籍中莫學間波浪

其二

反覆參經傳分明一定規且將成法會先至所當為

又贈張甫仲說

戒懼隨時事尤加慎隱微心常與理一無欲可乘機

偶題

齊民歌舜禹疾苦自當痊象外逍遙客無心已有年

贈張甫

以酒因隨量飲詩或偶然成爲韻

君尋大麥村我飲茅村酒清翠十年分聞渠亦白首

清翠即張甫婦翁薛公弘允之亭也

其二

遺經悵獨抱往聖起無因賴有傳心法千年如一晨

其三

靜養微陽復安身嚮晦隨方知凝定上萬事此從宜

其四

斂我方寸心養成天地量鳶飛魚躍淵浩浩知難狀

其五

裘褐有常衣溫寒隨節飲主之以道心每使人心稟

其六

細酌清冷酒閒吟自在詩自吟還自酌聊此慰支離

其七

明明本分中自有當然則立本在操存知行見六或

其八

為人立兩間所得良非偶逐事致心知毋欺由屋漏

其九

氣質雖千萬初來共本然工夫惟一敬上達可參天

其十

洙泗言湮久何人集大成考亭參後死非子我誰程

偶吟

丞相吟梁父徵君歸去來當時二子意足樂亦云哀

讀先進篇

慟哭顏淵死欣然點瑟希中和稱大聖哀樂見真機

其二

河西先生全集
點也亦狂士惟顏真可希鳴琴或鼓瑟依聖得天機

謝太守送酒

休官真所樂獨負 聖明息白首三朝士閒吟北海

樽

其二

西掖辭經幄南州作醉翁那堪有兩手只用酒盃中

其三

身世漁村僻垂竿過一生江山無盡興聊復付罌瓶

詠物

種柚呼金橘移孫擬石蒲當歸抽紫葉春綠動藤蕪

壁間有鼠格而殺之

有鼠老而黠幾歲恣強梁奮挺迫之死人誰為汝傷

聞彥鎮罹疾寄呈

丁巳春

莫問河西子相思瀟灑翁吾曾九折臂心定此為功

贈奇伯顧

以倦客今年
真白髮為韻

風吟松樹林醉對平生面小雨落茅簷吾情殊未倦

其二

振鷺有嘉賓前阡青大麥一壺兩相忘誰主誰為客

其三

醉裏看天地閒中送古今窮居無長物只有一張琴

其四

借問農家老今年與去年秋來如得粟斗酒莫相捐

其五

病裡逢君子梅花小雨春世間多少事爭似醉中真

其六

難將此歲青換却前年白逝水自滔滔春風吹日夕

其七

人生不滿百世事多如髮何地可閒眠良宵一箇月

次蘇齋韻

豈曰無幾見嗚呼何日忘君親恩罔極天濶海茫

茫

見退溪詩因和韻

詠歎退溪詩輾空春書日夫君滿紙吟一室如鳴瑟

其二

拔血傍蒼梧悲歌懷舜日蕭蕭斑竹林暮雨湘靈瑟

題曹逸士南濱上疏後

毫釐方寸謬天理豈他歧發語須知慎王心恐未

移先生自題詩下有云此君子責備之意
肝膽忠義心術明白此足以繼之矣

梁生別有感已未春服
關來見

桑梓榮時雨三春寸草心君歸一室裡經義細追尋

其二

此醉非貪亂悠悠欲養真山花開滿目歲歲一番新
別友人之京

寂寞湖山裡蒼蒼漢水邊君歸吾又病更會問何年
其二

政是黃花節清宵月滿庭悠哉一盃酒離合笑浮萍
贈李先己以下九十四首別

茫茫嶺海南何幸同丙子一醉笑語闌春晴鳥聲裡
贈子遂

子已紅塵客吾猶衣布人今朝一把手跌宕見天真

送印國經紀

竹嶺橫天外君今亦遠遊白雲歸思急無計駐行騶

上尹負外衢橘亭

錦岳十年夏金陵七月秋殷勤欣捧袂其奈路悠悠

送景老還鄉子和先還

未見子和去今看景老歸天涯別二子况復故鄉歸

次德茂韻

人生宇宙內從古罕遭逢昨夜風波暗今朝喜揭蓬

詠花

養花初見錦憐却暗香飛更有松間雨多情入客衣

和士遂

寒鼓報殘更高空霜夜結遙聞犬吠聲遠在前村月

直玉堂作

萬里關西月風吹度漢城高秋宜皓景相對夜三更

用周校理景游

世鵬號慎齋

韻贈申彥沃

分携指明日別淚欲盈眸寫出相思字誰知淡淡愁

在湖堂有儒將所製來示因與留飲

詠罷諸賢語蒼茫對暮江同衾殊不惡松韻響風牕

其二

相逢堪刮目獨我愧陳腐湖閣話從容炊烟起漁戶

其三

借問諸公來來時乘逸興留詩我正酬中酒君方醒

大殿延祥詩

庶職元無曠羣生各自便中和參發育聖化與春邁

路中即事

宿霧初捲山峰巒列螺髻日色射朝霞分明倚天際

題琴隱堂

琴隱何為者自以琴為樂半夜桂影中數聲驚別鶴

贈白大裕

光弘號岐峯

春山百花落幸有一枝紅寂寞茅簷下翻愁酒盞空

其二

春光留草屋醉面欲爭紅見子忘沉疾其如雪鬢蓬

其三

採蘭幽念起好去奉親盤蓼蓼嗟無及經營萬事難

題惠能軸

哦松華山雪一醉百篇詩南北幾經歲展軸如見之

其二

鍾谷今何去靈川已返京相思病裡苦見爾每關情

其三

曾吟棠岳句又誦鵲峰詩坐想連珠會俱非枳棘宜

道中即事

誰斫一株松插此滄江上岸風忽來吹枝際濤猶壯

絕句

南疇盈遠綠風偃靡遺目秋思入高蟬微涼生樹木

題俞監司絳之絳空狀紙

妻求為櫛帖兒冀作昏書痛掃諸般請狂詩寫醉餘

贈人

問子今何日相逢分義親春風吹白日脉脉眼中人

其二

君來酒幾杯能使我先醉白日照茅屋離情在天地

贈達夫

雲竒知是夏鳥噪或疑春草樹山窻裡風前岸葛巾

其二

秋風知在近沙渚欲撥尋紅蓼花邊月竿頭一味淡

贈惠遠

我非陶彭澤將何友遠公敲門病未語送子入關東

次韻寄李使君

秀莞

五載離懷苦佳期病奈何吟牋臨脉脉回首更長歌

其二

醉語還嫌安優容實自誇霜風碧澗曲往事問如何

流頭後日作

昨日流頭夜真嫌月未圓今宵十分地誰送酒如泉

送仲明還覲

處處迷花草東風送子情此嘗無一盞何以度平生

慰人失子

蓼莪哀方極那堪失子人厚曾傷虎者渾欲淚霑巾

寄景仁及李季真

後白號青蓮

今世青蓮子清真與醉談慣看南裔海萬里水天涵

中秋日有作

白髮唯公道春風不世情紅顏如借酒秋月任添明

示李仲悟彦憬

朝朝問寒釀日日惜殘花花殘釀未熟抱病向誰家

贈張生

張公何許人詩酒過平生風月詩千首江山酒一餅

其二

厚之方中酒張也可言詩一夕山陰棹悠然與子隨

贈接中

從心由志學求道竟存神千里千年外須知不遠人

贈奇伯顧

春禽不計兩亂噪吾庭宇昨日對清談醒來思更苦

寄呈使君

喜得襄陽酒漸無吏部文還忘前日戒任却醉醺醺

其二

醉裏頭全雪吟中眼欲花臨風空竚立未駐使君車

松臺御風

憑虛發長嘯舉手攀虬枝雖非旬日御何異冷狀時

出山

雙溪抱奇石雨過苔政碧未得駐塵韉空存山水癖

次張甫韻

卧病十年餘江山一醉後膾魚酌山醪秋日暖楊柳

其二

溪山將落日秋水細生鱗別友懷千緒哦詩岸葛巾

其三

殷勤千里信此意報難能九日良朋會悠悠百感仍

寄贈元琳

樊枻天冠寺沉痾大麥村眉巖聞有素何不一敲門

贈別

盡醉驚時晚頽狀盡竹邊前簷烟日好悵悵作離筵

朴上舍子建求別詩

月白松風夜燈青客意秋醉中相顧色別裏未歸愁

窗外梅峯偏受冰雪有作曾以梅槎為假山

冰凝山下水雪積水中山不用經丘壑蕭然枕席間

木假山

梅根朽其盤磨洗遂為山巘嶸生真態森然萬古顏

邀月亭

月色當軒白秋光入眼青登臨此夜景一世笑浮萍

與虎兒

亂髮不曾理殘春能幾何忘形聊就醉且唱濯纓歌

贈內

細君採菊來以為山翁壽東牕映秋暉狂詩吟醉後

其二

一卧此幾年辛甘經歷滿閒愁醉裡銷倦夢東華斷

其三

大醉新豐酒長吟彭澤詩風霜搖落處隱逸我相知
醉與虎兒

愛敬中無實虛張墻屋深積年功未就真不冷人心
其二

春日初晴後和風滿面來醉醒年半百隨處笑談開
僦上舍以酒見訪

寒風唯賴酒別意且憑詩千里相思處那堪候鴈期

其二

痛飲盈觴酒沉吟滿紙詩臨行還惜別竟夕話心期
友人家作

窻外瓶笙響簷前掃雪聲品題吾未敢看取主人評
送虎兒赴京

南踰葦嶺峙北濟漢江流葱葱鬱佳氣送爾心悵悵
送慶老

碧天騰白露霽月隔溪明遠送夫君去秋風萬里行
其二

送子漢中去燈青月又明秋高菊未吐蕭索但深情

其三

渺渺天南北龍鍾草樹間君行意不盡奈此萬重山

其四

酒盡青山暮回燈啜茗談忘懷坐夜久缺月上東南

靈川墨竹

不盡凌雲勢摧殘亦不僵兒孫頭解解根甲滿風霜

同庚會老少雜詠

同庚人所重此會亦佳期白髮紅紳客還將年少隨

其二

隣曲情非淺壺觴慰病身岸柳和原草青青又一春

寄景范

待君君不來滿地梅花落一杖敲門僧淡情有所托

贈申國藩

階上苔生綠園中樹發花人間門半掩棋酒送生涯

奉寄柳眉巖鍾山謫所

端居歷歲月奈復物交相氣質極難變因循未免鄉

其二

雲天曠寥極目路超忽驥子朔北風相思一片月

其三

清詩自不忘意切理仍到一室醉吟中神期入浩浩

其四

微烟生草屋松翠落閒窻鳥語渾依舊鷄聲不作雙

附次韻

鍾山天下僻沙磧日交相十載南音客空勞夢故鄉

蘿菑盛門徒蓬麻倚倏忽共稱金厚之有似星中

月

新齋兩三賦東方古未到祗今想曠襟彭蠡秋澄

浩

青青籠土屋悄悄倚寒窻稚子南來北團欒一室

雙

和一齋韻

同聲千里應講習樂朋來出入非無疾何當共一杯

宿瀟灑園文房

惜別仍山雨吾行不自由狂吟乘卯酒却愧壁間收

贈吳景純

三年好闕服病骨欲逢難去去龍門下無忘陋巷簞

挽林座首

公俊

世契情殊密沉痾阻此生蒼山冰雪裡回首望丹旌

挽陳彥卿嚴侍

河西先生集
五十人間客今從地下遊悲涼薤露曲淚落北邱陬
挽汝溫冰天

塵世黃梁盡風霜玉樹摧浮生如逝水一去竟難回

其二

寂寞人間事悠悠未百年哀歌吟薤露涼月滿霜天

挽朴叔

守恭

參贊名清德餘風激懦頑襟華零一半冰雪滿溪山

其二

吾家有叔父生歲說相同地下應無遠微誠寄此中

其三

負罪松楸下頻來慰棘人殷勤慙未報盛會憶良辰

其四

鷲嶺飛寒旒龍丘執大幽人間六十臘地下幾千秋

挽薛座首

十室存忠信鄉閭孝友稱空山埋玉樹無計住風燈

其二

黽勉扶衰病同心理一鄉吾歸公又逝追念益悲傷

其三

白髮窮鄉老空聞行義傳武城慙作宰終未達王前

挽金渭原

孝良

萬里關河去歸時載短旋沉綿十載病何意子先傾

其二

一托東西勝睽携十數年忽聞凶計至戀舊涕潛狀

次蘇齋贈人韻 以下七首增

日轉卿雲曙風回洋海春閒愁渾失舊喜氣漸生新

次蘇齋韻

十二年前面何時可得忘碧波亭下路魂夢入茫茫

其二

尺素從南海風期益未忘蠟頭花眩轉雉膏思微茫

性真軸中韻

渠能得性真我未免心恙相對兩忘之石尊請一餉

次永思亭韻

亭在南原金岸安處順為望先
瑩而建天使朱之蕃書其額

孝德傳前世亭名揭永思醉狂渾不省却作興中詩

送仲明還觀

環碧牛鳴地無非親切中往來今幾歲衰鬢滿青銅

贈季明

莫惜醉來眠更有長松雪客不惜霑衣踈廬飛小屑

河西先生全集卷之五

河西先生全集卷之六目錄

七言絕句

詠天

監司席上賦

基吉家詠畫竹

次吉元韻

敬應有詩和之

寄接中催和

古竹

宋上舍求和贈言錄中韻

用宋上舍韻贈郭上舍

別吳上舍

次德茂韻 四首

寄孝先 三首

又次德茂韻 四首

梅竹吟

贈信應上人

送申彥沃下鄉

西齋飲酒次半山韻

和西齋諸上舍韻 二首

贈退叔

新梅

偶題

和張上舍 應斗韻

士重將入城有詩和其韻

次徐可久 敬德 詠雪韻

與景任

尼山校齋壁有詩和之 二首

次德茂韻 二首

題養生書

次礪城尉

宋寅韻

長城客館敬次奎庵

宋公麟壽相公韻

海棠花枝有蛛網落英留掛因以賦之

次韻贈吳君

世老〇二首

致新蔬於李秀才因有詩

長城路中作

過白灘

金上舍若晦間亭韻

六月在玉川不得歸寧夢中思親涕泣愁歎既

覺書一絕

與景任士遂話

示接中要和

安生增將歸以詩問之

應製題睿畫墨竹

七月十九日直玉堂作

中宮殿延祥詩

思親吟

次申內翰韻

二首

礪城有詩且和

又有詩再和

訪金著作太容不遇而作

遊楊花渡

次尹正字仁恕韻

寄友人

別李盛卿萬榮出宰金溝

次景范韻

抵遠期家汲松根水以飲

渡漢江登樓醉贈負外

公山路中

乙巳冬作

綿山

贈金晦叔啓

十一月十五日曉爲位釋中廟服二首

至日示景范二首

偶吟示兩甥

河文伯彦滿贈詩要和二首

養溪蓀三首

讀楚辭次陳惟善韻示景范求和二首

贈李上舍蘅及趙春之

醉後吟

簡仲悟及春之

夢有朴千里姓名者志學之士索言於一國儒
雅已成卷軸雖未嘗相知亦不憚求之盧冥
悔閔景說箕閔叔道起文諸君及金邦寶先
生皆有贈吾始難之恍聞寡悔謂其族孫且
善信人也乃書一絕云

示小子

夢中詠溪蓀記其首句足成之

偶成

山人守安以慎吉遠喜男之書來謁軸中有橘

亭靈川松江夢窩及李上舍季真之詩松江

二詩一自道一道僧仍效之二首

季真有四詩其二專屬於余余從而和之二首

戊申上元奉寄瀟灑園

次韻謝瀟灑翁送日本躑躅二首

魚巖雜詠二十首

次瀟灑園答韻

己酉上元奉寄瀟灑園

記夢

次趙府使琳鳴巖韻

贈文寶

示李秀才 至男○二首

夢起有感 二首

別李秀才洛行

贈人 二首

醉吟

自詠

景范次尊韻余又答之 五首

池魚歎 二首

伐木丁丁山更幽

演陳惟善自作歌

送白大裕

和宋生 庭篁韻

次春之韻

抵許伯承 紹兄弟寓舍 二首

復用磨韻

鷄龍山人道暹性修智雲自靈川所持軸過 三首

寄示校齋飲福席上

寄伯承兄弟 二首

春雨

花枝欲動春風寒為題以賦之 二首

奉寄敬老恭老彥鎮諸兄

宿望日寺題素屏

下山沿涯有萬丈蒼壁索筆題詩寄春之

奉別宋同知 純

金校理宅有題

和環翠堂韻

偶閱冊篋得癸卯年入直玉堂所為詩感而用

其韻

見金應霖 澗 俞絳之柳興伯 昌門 李廷瑞 元祿

復書

籬傍開竹徑有一竹適當開徑之處常所最撫

玩者不得已落其長枝

詠梅竹

吟示景范仲明 二十一首

寄復仲明書

雲住寺和孫彥章 弘綸 韻贈子實

又詠一絕

夢看一書如大學或問者其大意可記者曰入

之所以為人者以其有明德也又有當畏四
畏之語四畏夢認天知神知子知我知之說
而亦不貼畏字思之不得而覺

奉寄瀟灑園

和白大裕

和贈慎吉遠 二首

和吉遠人字韻

河西先生全集卷之六

七言絕句

詠天 六歲作

形圓至大又窮玄浩浩空空繞地邊覆幬中間容萬
物杞人何為一作恐頽連

監司席上賦 是日監司饗儒
生詩賦中格者

東樓此夜會斯文良晤生平罕所聞且向明窻尋理
趣休從司馬賦凌雲

基吉家詠畫竹

風梢雪葉更精神入室難分假與真明月又從簷外

河西先生集
照一軒相對醉時人

次吉元韻

數里湖山愜野情
閒牕况復對高明
談論永夕終無倦
好我真堪賦鹿鳴

敬應有詩和之

萬里天涯鴈北歸
飄蓬遠客絕因依
故山花鳥今何許
不耐京塵染素衣

寄接中催和

諸君亦各言其志
和意寧須逐韻酬
由果點狂顏不伐
輔仁無惜片言投

古竹

蕭蕭苦竹帶風烟
何日穿雲掃碧天
短葉藏春沙砌上
輕枝弄雨土墻邊

宋上舍求和贈言錄中韻

夢落江湖被徑蘭
一聲長嘯拂塵冠
遙知沂上前遊處
雨後斜風水面寬

用宋上舍韻贈郭上舍

陋巷顏瓢樂有餘
人生適意是閒居
儒家贈處惟論義
不事尋常利盡疎

別吳上舍

河西先生全集
把酒悠悠惜別時
桐華半落燕差池
閒愁浩蕩知何許
好立橋門一望思

次德茂韻

君以精剛我以駑
居然見許使同趨
還嫌孤陋知聞寡
奈此從前俗累拘

其二

靜愛周翁圖太極
閒尋邵子問漁樵
須知天地生意不
廢窮冬萬木凋

其三

擬將經術佐昇平
禮樂寧論魯兩生
到底窮通還有

命聖賢從古豈關情

其四

師友淵源伊洛派
豫章門下讀書生
仲舒自有天人策
早晚君王問大庭

寄孝先

十年帷下抱遺經
掩卷恆嗟苦晚生
何幸如今逢益友
相看妙契不言情

其二

纔看了了復茫然
夢覺關中度幾年
學力未能輕外誘
實心多被客心牽

其三

早耽雕篆事虛名向晚無能學未成古鏡誰將磨洗
出一朝重見舊時明

又次德茂韻

友道從來知會難與君相識片言間斜陽烟柳論心
地踈竹攸攸碧玉寒

其二

身世優游詠太平熙熙境落遂羣生知時又作今朝
雨何許千村擊壤情

其三

羨王舍光不可韜阿衡畎畝買臣樵叔將報國忠君
志坐對寒松守後凋

其四

詩書散漫青箱老歲月差池白髮生何日南薰和舜
曲坐看芳草滿空庭

梅竹吟

霜葩雪幹兩爭清人道風流是弟兄梅尚有時凋玉
色竹曾何處減金聲

贈信應上人

山中自有好書僧此夕何期共一燈明日紅塵回首

望巖崖空憶雪千層

送申彥沃下鄉

風動高軒月色昏一燈明滅惱愁魂家山萬里雙親老送子今宵不盡言

西齋飲酒次半山韻

萬里萍蓬日月侵庭松瑟瑟必隱寒陰白雲久隔斑衣舞遊子空懷寸草心

和西齋諸上舍韻

學盡詩書智益窮風光惱我苦吟中腰間寶劍清霜刃匣裏時時泣老龍

其二

周公富貴孔顏窮寵辱都忘方寸中可是江山奇絕處曉牕晨起煮團龍

贈退叔

湖海元賓說子名兩番携酒對前楹寒雲掩日零微霰一笑相輸千古情

新梅丁酉

不逐千林瀾漫春自將冰雪寄精神蕭然迥立風塵表白眼初開倚半嚙

偶題

河西先生全集
顛狂舊習未全除詩酒逢場不自如
踈踏每慙看益友復憐松雪夜牕虛

和張上舍應斗韻

雙親戒我慎瓶罍跌宕因循未覆杯
秉燭今宵前路永悠悠何以慰離懷

士重將入城有詩和其韻

不意如今送子歸何時還扣向江扉
臨分就醉君休讓風力剛時酒力微

次徐可久敬德號詠雪韻

川原浩渺疑無地風日微茫不見天
薄醉更成門外

詠暮光偏着泮林邊

與景任

霜風輕動四更寒星斗蒼茫酒已闌
宛轉龍泉歌數闕不知身世慣儒酸宜卿發

尼山校齋壁有詩和之

積雪初消二月天簷前鳥語報芳年
皺眉過客終何事賴有新詩生眼邊

右詠雪

生平壯節擬長松不共蕭蒿畏疾風
十載紅塵空自笑猖狂誰哭阮途窮

右詠松

次德茂韻

雨後輕雲捲白衣青山野水鷺先知西簷斜日長吟
處踈竹微風獨立時

其二

滿眼溪山逕轉斜江湖萬里是君家殷勤須記臨分
語事業何徒在決科

題養生書

風燈泡沫世間身久視長存有幾人體受歸全斯不
區區何必事陳新

次礪城尉

宋寅號頤庵

韻

人心從古自靈明酬酢千端統性情寂滅如能全實
理梁皇何用餓臺城

長城客館敬次圭庵

宋公麟壽相公韻

鄉老扶携酒亦香南門翠柳線仍長悠悠不盡陽關
曲他日歸心漢水陽

海棠花枝有蛛網落英留掛因以賦之

九十東風夢裡過臙脂留却海棠窠蜘蛛亦解憐春
色遮網枝頭護落花

次韻贈吳君

世老

相逢草草十年中何幸今朝一榻同坐上温温春政
滿此身從此醉和風

其二

睡罷蟬聲樹影中天光漸晦亂雲同微涼驅送前山
雨快我冷然滿袖風

致新蔬於李秀才因有詩

山園木末晚迴春小摘傾筐浥露新從古野情元自
爾願君休笑獻芹人

木末菜之俗名

長城路中作

女挈歸骨已三年隔歲來看一憮然塚外輕風吹到

面僂應精爽此中邊

過白灘

潭陽李太守仁賢方宴飲於此余自長城過之

白石蒼崖一水涵松篁雜樹葛蘿覃主人秉燭情彌
重病客操觚思不堪

金上舍若晦閒亭韻

夢斷終南清渭濱一軒高卧任閒身機心盡處聞禽
語俗客來時見柳顛

六月在玉川不得歸寧夢中思親涕泣愁嘆既
覺書一絕

經春涉夏困羈棲斗柄明朝又指西夢裡思親空灑

河西先生全集
淚分明不敢向人啼

與景任士遂話

青燈相伴兩三人
浩蕩奇談驚鬼神
况復知心窗外
月飄然意氣謝風塵

示接中要和

時諸生都會
王川郡校

孔氏三千弟子行
吾徒何幸望門墻
昏冥竟坐杯中
病慙愧諸君道德場

安生

增將歸以詩問之

安生眉宇照人明
不意今朝遽有行
大學規模猶未
盡言傳口授愧靡精

應製題

睿畫墨竹

癸卯

根枝節葉盡精微
石友精神在範圍
始覺 聖神侔
造化一團天地不能違

七月十九日直玉堂作

言念劬勞在此辰
晨興達夕倍思親
村童萬里將書
至顛倒披緘淚滿巾

中宮殿延祥詩

代人作

陽春流景入中闈
恆德含章補萬幾
壺化千年漸四
境關雎歌詠孰云稀

思親吟

河西先生集
年年爲客度良辰幾望天邊鶴髮親綿邈功名時向
晚春光猶似去年新

次申內翰韻

華筵未罷日西頽詩料頻驚擊鉢催細柳煙光生醉
眼翰林風格轉奇瑰

其二

詞宗流落滯江頭萬里登臨又一秋筆下風雲驅汗
漫碧天滄海兩悠悠

礪城有詩且和

詩裏論交孟與韓何須屑屑露腸肝半牕醉後相知

晚燈火黃昏朔雪寒

又有詩再和

曾排莊老破申韓不數轅生食馬肝須識儒家名教
事莫言洙泗已波寒

訪金著作太容不遇而作

梨花滿樹日黃昏疎木斜風獨倚門想得主人天上
卧不堪清思入詩魂

遊楊花渡

江山有意挽詩仙步步牽風故滯船不覺火輪沉碧
海更看孤月上春天

次尹正字 仁恕韻
春風更對醉時顏
落魄誰論虞鬢斑
昨夢故園薇蕨
長覺來惆悵隔千山

寄友人

東湖蹤跡夢悠悠
蒼檜寒梅百尺樓
十里江山渾領
略幾年塵土隔南州

別李盛卿

萬榮號竹陰

出宰金溝

十月霜風入客衣
故山千里送君歸
金鰲嶺外君應
過恨不身從去鳥飛

次景范韻

逶迤嶺陸過千城
漢水秋風入宦情
男子平生志
須參天地贊生成

抵遠期家汲松根水以飲

憶昨雲泉嗽石根
倚筇隨處見真源
轆轤聲裏斜陽
轉歸興翩翩滿故園

渡漢江登樓醉贈負外

馬上欣逢十載顏
山城一夕足團圓
樂臨江數爵驚相
別醉眼空看萬頃瀾

公山路中

西風吹動荻花秋
煙雨前途客倍愁
路上菊英人不

管寒芳誰解得忘憂

乙巳冬作

年來懶與病相乘瘦骨崢嶸日見稜非為嬰兒徒灑
淚眼看堯舜一年崩

綿山

晉侯夙德非無過介子矜功未盡賢悻悻窮山輕一
死得仁何似首陽顛

贈金晦叔啓號雲江

松風吹入雲牕琴一笛能傳萬古心醉裏淡盃君莫
問坐看西日隱青岑

十一月十五日曉為位釋中廟服

萬里園陵白露中三秋消息菊花風天地未應全
肅殺一陽生處坐春融

其二

文王陟降帝同臨聲臭茫茫不可尋定作吾東萬世
福惠風終古振芳林

至日示景范

橫渠豆粥土床中溫飽閒餘萬事空須識一陽初動
處閉關齋潔益加功

其二

前詩二首戲之云向後方加勸勉勤莫道醉翁無意
謂及天猶未喪斯文

偶吟示兩甥

關心得失科場裏計較崇卑祿秩間道義漸輕功利
重志誰伊尹學誰顏

河文伯彥漪贈詩要和

憶昔追隨李謫仙山花紅爛記春天那知十載傷心
處政在金堂亂樹前

其二

清晨把酒更長吟握手相看萬古襟醉裏雲山歸路

遠何肯復此細論心

養溪蓀

瘦碧寒叢水石間依狀一榻卧溪山稚梅矮竹同心
事帶雨和風相對閒

其二

竹瘦梅寒伯仲間青苔白石勝空山當年不與先生
伴岸草溪花共等閒

其三

自托孤根梅竹間盆池貯水木爲山先生日日耽清
玩淨几明窗自在閒

讀楚辭次陳惟善韻示景范求和

鳳凰高逝雀巢堂斷鴈南飛失舊行瓊佩菲菲未
沫秋霖滢滢漏床床

其二

青楓江上未招魂白日何時得照冤荷蓋水車消息
斷夕陽揮淚灑乾坤

贈李上舍菴及趙春之

兩美聯翩刺啄來主人懷抱轉悠哉一枝冷殺凌霜
菊醉後狂詩不自裁

醉後吟

墻頭菊老最堪嘆日暮樽空天氣寒走向東隣開斗
酒傍人合作醉狂看

簡仲悟及春之

松釀方濃欲上槽枕邊猶聽葉間濤黃花却自無情
物冷笑村翁喚客勞

夢有朴千里姓名著志學之士索言於一國儒
雅已成卷軸雖未嘗相知亦不憚求之盧寡悔
閔景說箕閔叔道起文諸君及金邦寶先生皆
有贈吾始難之恍聞寡悔謂其族孫且善信人
也乃書一絕云

河西先生全集
華夷人物本同根卽此思之道便存身心莫放知行
外體用何難會一原

示小子

說與兒童魯叟書聖門蹊徑此由於若將句句存心
養明善何難復我初

夢中詠溪蓀記其首句足成之

蘭枯蕙死香風遠渠獨青青守一姿歲晚山村冰雪
裏凜然相對似相知

偶成

陟彼南山采蕨薇美人何處我心悲時移物變無期

見姑酌金罍不永思

山人守安以慎吉遠

喜男之書來謁軸中有楮

亭靈川松江夢窩及李上舍季真之詩松江二

詩一自道一道僧仍效之

歲暮寒門雪最多百年無意向繁華自憐草木凋零
後滿眼蒼松義氣加

其二

病落山村不見人何方白足就相親松江橘老靈川
句把卷行吟莫此珍

季真有四詩其二專屬於余余從而和之

河西先生全集
樹穴撥環自有人仙舟何日笑談親梁園瀟灑名非
我且見新平壁上珍李自註瀟灑園之名創自河
西云故明其出於宋新平

其二

聞君日用患才多病入新詩此亦華年前十月休官
去酒力如今比藥加李謂吾辭疾在
秋云故著其月

附原韻

江南嗜酒謫仙人真契長叅夢裡親咳唾偶收瀟

灑句世間珠玉總非珍謂瀟灑
園題詠

詩老罹痾古亦多坐雕肝腎吐清華唯應豈弟神

明護藥力如今減也加

戊申上元奉寄瀟灑園

瀟灑園中瀟灑翁一年春事占東風梅花消息渾依
舊為問人心同不同

次韻謝瀟灑翁送日本躑躅

海外風流絕代姿閒園養得幾多時誰知終日絲絲
兩鳥送連根第一枝

其二

仁齋分得上林花海外流傳歲幾何漢上枕流堂裡
見好風吹送一根過

魚巖雜詠

魚巖即鮎巖村戊申春先生陪
兩親寓居于王川之鮎巖村

思君不見恨來遲及到相逢春盡時柳暗花空山寂
寂東風猶自盡情吹

其二

梅花時節客巖隈地僻村荒不見梅手種野花君莫
問同時香近蠟為堆俗所謂阿魏木者即蠟梅

其三 次趙甥韻

濁酒淋漓身上衣風光饒我醉吟時羞將白髮頻看
鏡獨倚山樓睡起遲

其四

除地方巖而作

削成端正枕清涯為剪林叢露好姿落水忽驚花數

點仰看攢雪在棠梨

其五

憶曾游宦離爺孃幾望白雲愁太行溪山一逕春交
夏滿眼魚蝦草木蒼

其六

百病形骸偶自全奉親游賞荷皇天山深地僻多幽
致只恨尊中無聖賢

其七

身侍嚴親婦侍孃甥男女息擁成行義魚搗鼈供滋
味十里溪村煙水蒼

其八

淳朴山川氣象全
清和時會水如天
野人更慣漁家事
運網行杖乃爾賢

其九

塵世難逢四美全
西村况是一區天
經丘涉壑訪松藥
仰慕浴沂千載賢

松藥洞名

其十

觀魚巖是巨鰲頭
滿眼滄波去去悠
脚底紅鱗抽百尺
珍羞不羨宰肥牛

其十一

人生淡願既云全
愛日微誠儻格天
漫浪愧無身潤德
朋來何以答羣賢

其十二

戲汎枅槎斷岸頭
風帆浪楫儘悠悠
清河八月秋光裏
擬着山翁訪斗牛

以長絲繫枅槎

其十三

次梁甥韻

磯頭聞說水猶深
春後溪花政好尋
爭挽莫教香雪落
仍成病我恨空林

其十四

以下三首送梁甥還觀時五月五日

幾向高堂望眼寒
天中令節問平安
山風捲地顛狂

甚我病猶難把釣竿

其十五

送子溪園翠竹間趨庭此夕面嚴顏
茫狀立我千山側却問今歸幾日還

其十六

雨後風頽似食寒行當此候恐難安
湘纍欲洩千年恨不忍磯頭手弄竿

其十七

梁甥受宋史至岳飛傳時痛飲下筆

楚騷前歲喟憑心宋史今朝淚滿襟
異代興亡那繫我自然相感謾悲吟

其十八

梁甥歸後寄贈

昨日送君樽苦渴今朝中酒起何遲
日高寂寂不開戶欹枕援毫題小詩

其十九

新秋

萬事悠悠又一秋無端歲月白人頭
眼看翻覆乾坤老獨有山青江自流

其二十

雨後

踈麻寂歷蕞花秋雨漲前川釣石頭
不信野人生計少畫圖煙景足風流

次瀟灑園答韻

冥冥山雨奪春佳
蘇碧松蒼陰斷崖
雪月未乘王子興
花風漫寄邵翁懷

己酉上元奉寄瀟灑園

上元今歲雪偏多月色
農家未見何取醉
獨眠誰與語起看瓊藥玉翻柯

記夢

語默雖殊豈兩般
斷金其利臭如蘭
幾將竹葉杯中綠時擬陽春月下彈

次趙府使

琳鳴巖韻俗傳巖鳴則洞中有慶一名鳳凰臺唐人所刻云

地久天長物亦靈
蒼然幾歲度陰晴
須知寂感終無

極通塞何嘗間有生

贈文寶

翠竹寒塘醉裡過
至今魂夢繞君家
沉痾久隔南江路會待春風芳草多

示李秀才至男

文在天人事物中
禮存方寸攝持功
須知內外交相養周遍精明處處通

其二李秀才學楚辭時

蘭倚玉粟稱家庭
竹外窮簷講楚經
馳騁不須風雅末周詩二百儘和平

夢起有感

聖賢言外思兼學君子心存肩刃強二字平生用不
盡形聲意義兩無妨

其二

上馬登橋木欲顛不如將馬向平川周公才美猶無
取一字終流傲物愆

別李秀才洛行

與君連日講騷經沉醉良賢澤畔醒慰我病中憔悴
色黯然今日送君行

贈人

寂寞山中有草廬小牕風月枕邊書看君所得知多
少常歎三閭賦卜居

其二

工夫不在能言上妙用須知不二中勉勉循循而極
力兩忘功利與虛空

醉吟

開花且見離披節飲酒須看醅酹時萬事世間俱若
此誰知盛極戒將衰

自詠

人世悲懽付一尊消融蕩滌鎮心魂顛狂不覺騰人

河西先生集
口憂疾偏傷鶴髮息

景范次尊韻余又答之

比來方悔枉傷神
杯爵雖陳不廢真
放意豈成終失義
此時心緒轉紛綸

其二

尤物移入古所傳
君詩旋付小牕前
沉潛經傳無他事
與子同功學聖賢

其三

書上微言世孰傳
總總俗累動盈前
紫陽一脉存天地
後死何人希聖賢

其四

相逢盡說斷杯觴
若斷杯觴病不亡
徇欲忘生吾亦耻
窮經飲酒或無傷

其五

義利途頭決死生
真知實踐業能精
須從明善誠身學
主敬終成天下平

池魚嘆

貯養魚兒喜並生
泉寒石竇久藏形
今朝水渴無噍類
圍圉何人盡取烹

其二

河西先生全集
網得纖鱗養小池
猫侵蟲蝕幾傷悲
真成夜半舟藏壑
却笑埋盆韓退之

伐木丁丁山夏幽

雨晴巾杖起登山
碧玉溪流春意閒
伐木中林何處客
不將心事向塵寰

演陳惟善自作歌

逆旅乾坤萬萬年
清風明月古今然
如何天際浮雲色
朝暮看來變態連

送白大裕

東院西風此送君
玉川破屋數間雲
南山野鶯聲何

事客酒盈觴我已醺

和宋生庭篁韻

晚歲方興學古思
其如滅裂未真知
觀君美質還多感
努力駸駸向裡歸

次春之韻

相逢且把酒盃深
莫問東風萬木心
岸柳江梅多意思
等閒隨處助長吟

抵許伯承紹兄弟寓舍

喜得諸君共切磨
談論不覺去沉痾
仍憐常棣相交暎
友愛中堂翕以和

河西先生集
其二
他山猶幸玉相磨累歲沈綿奈此痾燈火三更又
醉殷勤一語在中和

復用磨韻

寶鑑埋塵孰我磨醫師未遇奈沈痾治平聖法存經
傳未發須通已發和

鷄籠山人道暹性修智靈有靈川所持軸過靈

序云養得雙鶴長其翅翎
任他來徃因立玩鶴亭

賞鶴亭中賞鶴人看梅弄月見天真聞渠拄錫參詩
榻處士西湖是後身

其二

路繞鷄籠幾往來東林青鶴未聞奇山人就報先生
事感歎仍成一首詩

其三

樞岳高低八萬峯今何移錫向鷄籠應知妄想生高
遠平地宜加日用工

寄示校齋飲福席上

素王宮殿玉川隈闢道相酬祭後杯向晚東風愁料
峭杏壇南畔阻追陪

寄伯承兄弟

兩君行色定何如
適值龍鍾氣不舒
息偃未生新意
思更煩相就證齋居

其二

竹外有詩人
獨立梅邊無酒月
空明南枝已覺精神
露繞樹聞香骨欲清

春雨

數日簷頭散玉麻
梅花枝上好催花
開牕默坐觀天
意無數雲山入望斜

花枝欲動春風寒為題以賦之

病裏無端又一春
梅花欲動見精神
東風冷透遊春

服載酒何人問主人

其二

墻外花枝欲動春
年年長見舊精神
無端更被東風
妬掩抑寒姿向主人

奉寄敬老恭老彥鎮諸兄

環碧溪連瀟灑園
江籬香動間蘋繁
無端病隔崇朝
路卧看梅梢月一痕

宿望日寺題素屏

繞屋杉篁曉月高
石泉鳴玉噴寒濤
巖尊樹古春生
草醉東狂詩倚兔毫

下山沿涯有萬丈蒼壁索筆題詩寄春之

石路苔荒木有冰沿溪信馬傍峻嶒使君自有催歸

思芳草奇巖賞未曾以太守由平原以歸故云

奉別宋同知純

萬里春風草遍青孝思堂外月初生沉綿一卧三年

病門下恩恩此日情

金校理宅有題

複嶺重巖擁萬松梅花零落杏花風斑斑千古湘妃
淚一恨應隨天地終

和環翠堂韻

醉夢人間未覺非一年春事屬佳期顛狂直到忘形
處不省山公上馬時

偶閱冊篋得癸卯年入直玉堂所為詩感而用
其韻

何年此日近星辰南北當時隔二親乞養再暮身又
病他鄉每歲亦霑巾

見金應霖澍俞絳之柳興伯昌門李廷瑞元祿

復書

吏部郎官有故人五年南北阻音塵今因為養初通
信各是先朝侍講臣

籬傍開竹逕有一竹適當開逕之處常所最撫
玩者不得已落其長枝

直立層枝翟翟竿平生唯向畫圖看如何此日當門
逕眾口銷金保汝難

詠梅竹

飄香戰碧間雙清鳥嘒風輕白日晴遠韻高標誰得
似看他玉色與金聲

吟示景范仲明

道義重時功利輕公私理欲儘分明心麓自覺知常
滯膽勇決不疑所行伊川曰董仲舒謂正其義不謀其利明其道不計其功孫思邈

曰膽欲大而心欲小智欲圓而行欲方可以為法矣
朱子既掇入近思錄中又論思之冠於小學外篇嘉
卑陋之心不敬小則狂妄其論則譎詐方則不圓則
執而不通其專在於明其義而互相發者已無餘蘊而
推其本則又專在於詐心蓋心精而理明則圓者能
常快活而不流於譎詐志之所向者定而方者不偏
於執一矣因作此詩豈敢以發明其所未盡者聊與
同志之士證之

其二

文王我師舜何人篤信前言力去行今古聖愚同一
性泥沙淘盡水澄清

其三

為學如撐上水船一篙纔緩便迴遄悠悠泛泛終難

濟要似飢餐渴飲然

其四

身心內外敬兼該事理知行義總裁立本切宜常戒

懼研幾何有費安排只知點綴古語不自踐實可笑

其五

日用常常喚此心莫教私意敢相侵心公理得行將去熟後方知不外尋

其六

大學人皆淺近看聖功非此講求難須知節節工夫在熟讀精思莫漫觀

其七

諸經儘美遽難看為有工夫躡等難未定根基先作室巍狀只好一時觀

其八

章句於經是指南時將或問取相參先須熟讀經文了會得文公不盡談

其九

無疑未必實無疑字字研窮句句思章句未通參或問久看冰釋水東之

其十

河西先生全集
枉費功夫大學中悠悠未覺日新功何方脫略卑凡
習周遍精明萬理通

其十一

道在尋常日用間聖賢成法儘堪看真知真是真非
處立定前行不見難

其十二

逝者如斯子在川鳶魚飛躍見天淵幽明遠近無非
道廣大精微實自朕

其十三

丁寧戒懼睹聞前學問心思辨決朕擇善既明行又

篤工夫惟在十能千

其十四

身心情性與人倫致曲明誠事事真天地古今同一
理看書應物兩循循

其十五

詩道非他本性情吟來善惡各分明從容直到和平
處事物當前理自呈

其十六

易道精微未易通研幾亦在一心中須知寂感元相
濟太極常涵主敬功

其十七

從前理會詩兼易得力無如語孟多此是晦翁端的
語也先大學用功過溫公言平生用工專在資治通鑑吾亦於大學云朕此亦朱子語之

其十八

此以下書武夷九曲後

君看九曲武夷歌進學工夫不在他次第分明須默
會桑麻雨露總中和

其十九

解一曲

道喪千年聖路湮中天白日晦精神烟光幸帶斜陽
照霽月東來意更新

其二十

解二曲

外物交前視最先中間艷色易流遷行庭不見良其
背一味從今向本然

其二十一

解三曲

志士恒存溝壑心明昏相代古猶今脩身靜俟無他
念不比空投餓虎林

寄復仲明書

一封消息一開看池閣依然六月寒努力分陰恢學
業立揚他日本宜端

雲住寺和孫彥章弘論韻贈子實

偶過溪山作勝遊故人詩筆更清遒秋風此地曾相識不耐春林別恨悠

又詠一絕

山北山南春雨肥依稀樹色間烟霏七年來往今增癖日暮携君對翠微

夢看一書如大學或問者其大意可記者曰人之所以為人者以其有明德也又有當畏四畏之語四畏夢認天知神知子知我知之說而亦不貼畏字思之不得而覺

明德充盈一膜間形骸伏欲藏多端常存敬畏無他

法須向中庸四字看

奉寄瀟灑園

西海行軒喜好迴昨來秋氣轉佳哉清泉翠竹玲瓏處嘯咏臨風日幾回

和白大裕

訪我炎天卧病時聞君今向漢江湄悠悠歲月添霜鬢少壯歡娛子自知

和贈慎吉遠

艷詞三十已云多數四聯章獨奈何好德未應如好色城隅咫尺惜經過

慎詩有長詞三十韻故云

其二

方丈神山迥絕塵廣寒秋色暎清濱河西亦有留詩
處環賜今非下界人

和吉遠人字韻

詩在文章又一塵黃金虛擲玉池濱年來不復荒臺
夢暮兩朝雲屬別人

